

2

Халықаралық турнир басталды



6

Күй көңілді тербеткен күн



# Сыр бойы

21 қыркүйек, сенбі 2024 жыл

№145-146 (20819-20820) Қызылорда облыстық қоғамдық-саяси газет. 1929 жылдың 1 шілдесінен шығады



www.facebook.com/syrboyi.kz  
www.instagram.com/syrboyi\_kz  
t.me/syrboyi\_kz  
twitter.com/syrboyi

ЕГІН – 2024

## ОРТА ӨНІМ – 85 ЦЕНТНЕР

Жалағаш ауданы сонау кеңестік кезеңнен бері аграрлық салаға бағытталған. Алтын астықтан тау тұрғызып, талай-талай рекордтық көрсеткіш орнатты. Сол уақыттағы А.Бисенов, Ұ.Еспанов, Н.Әлірәзов сынды Еңбек ерлерінің ізін жалғап, Тәуелсіздік жылдарынан бері ауыл шаруашылығында абыройлы да табысты еңбек етіп келе жатқан «Таң ЛТД» ЖШС төрағасы Имамзада Шағыртаев Қазақстанның Еңбек ері атанды.



Аудан дикандары биыл да аймақта алдыңғы қатарда. Күзгі дала жұмыстары қарқынды жүріп жатыр. Биылғы жылдың бекітілген сызбасына сәйкес ауданда 37218 гектарға ауыл шаруашылығы дақылдары орналастырылды. Нақтырақ айтсақ, күріш көлемі өткен жылғыдай, яғни, 19800 гектар, есесіне жаздық күздік бидай, сүрлемдік жүгері, мақсары, қант құмайы, ескі жоңышқа сияқты дақылдардың көлемі едәуір артқан. Сол секілді, көкөніс-бақша өнімдерінің көлемі де көбіей түскенін байқауға болады.

Бүгінде 19800 гектар күріштің 11450 гектары орылып, 9300 гектары, яғни, 47 пайызы жиналды. Қазіргі есеппен күріштің әр гектарынан 52 центнерден, барлығы 483600 центнер өнім алынды. Сонымен қатар, жоңышқа, картоп, көкөніс, бақша дақылдарын жинау жұмыстары жүргізілуде. Атап айтқанда, 129 гектар күздік бидайдың әр гектарынан 13 центнерден, барлығы 1677 центнер, 770 гектар жаздық бидайдың әр гектарынан 9 центнерден, барлығы 6930 центнер, 665 гектар мақсарының әр гектарынан 8,7 центнерден, барлығы 5785 центнер өнім жиналды. Сол сияқты, 200 гектар қант құмайынан 8195 центнер, 40 гектар арпадан 328 центнер, 5 гектар сұлыдан 64 центнер өнім алынып отыр.

2-бет

ӨРКЕН

## ДАРИЯ ЖАҒАСЫНДАҒЫ ҚҰЙҚАЛЫ ҚОНЫС

Білесіз бе, Қызылорда қаласы – құрамында екі кент пен жеті ауылдық округі бар республикадағы жалғыз облыс орталығы. Бұған дейін біздің басылым тілшілері қалаға қарасты бірқатар ауыл мен «Белкөл» және «Тасбөгет» кенттерінің тыныс-тіршілігін саралап, оқырманға материалдар ұсынды, ал бүгін «Талсуат» ауылы туралы айтпақпыз.

### БҮГІНГІ АУЫЛ ДИДАРЫ

Облыс орталығы Қызылорда қаласынан 10 шақырым жерде орын тепкен бұл ауылдың тарихы тереңде. Нақты кезеңде мұнда екі жарым мыңға жуық адам тұрады, елді мекеннің жер көлемі 925 гектарды құрайды.

Мұнда ұзаған жылдың мәресінде ауылдық округ әкімінің сайлауы өтті. Сайлауға өзін-өзі ұсыну жолымен түскен үш азаматтың ішінен ел-жұрттың таңдауы Ерлан Бисенбаевқа түсті. Сөйтіп,

елі байсалды, тірлігі түзу ауылға тәжірибесі мол маман әкім болып сайланды. Ол ауылдың әлеуметтік жағдайы мен даму динамикасы туралы айтып, атқарылып жатқан жұмыстарды, қолға алынған жақсы істерді көрсетті.

– Кейінгі жылдары ауылдың аумағы үлкейіп, мемлекеттік бағдарлама игілігі аясында дамып келеді. Ауыссу, жол, түнгі жарық, «көгілдір отын» мәселесі шешілді. Ал биылғы жыл басында жаңа мәдениет үйі пайдалануға берілді, – дейді округ әкімі.

3-бет



ҚАЛА КҮНІ

## «ҒАЛАМ МЕН ҚАЛАМ»



6-бет

## ВИЦЕ-МИНИСТР ТҰРҒЫНДАРМЕН КЕЗДЕСТІ

ҚР Ғылым және жоғары білім вице-министрі Дархан Ахмед-Заки Қызылордаға іссапармен келіп, Қорқыт ата атындағы Қызылорда университетінде тұрғындармен кездесті.

Дархан Ахмед-Заки алдымен 2024 жылдың I жартыжылдығында атқарылған жұмыстар нәтижесін таныстырып, жоспарларды баяндады.

– Биыл 93 952 мемлекеттік грант бөлініп, шәкіртақы көлемі бакалавриат бойынша 20 пайызға, магистратура, докторантура бойынша 15 пайызға артты. Сонымен қатар, өзекті мәселелердің бірі – жатақхана құрылысы кезең-кезеңмен шешімін табуда. Қазіргі таңда 10 576 орындық 27 жатақхананың құрылысы жүруде. Бұдан бөлек, елімізде 9 шетелдік жоғары оқу орнының филиалы ашылды, – деді ол.

Вице-министр еліміздегі жоғары білім мен ғылымды дамытудың 2023-2029 жылдарға арналған жұмыс жоспарына тоқталды. Оның ішінде жоғары және жоғары оқу орнынан кейінгі білім беру жүйесінің негізгі қорытындылары, педагог даярлау, инженерлік білім берудің ұлттық моделі, студенттерді жатақханалардағы орындармен қамтамасыз ету, шетелдік жоғары оқу орындарының филиалдары, жастарды әлеуметтендіру және тәрбиелеу, үздіксіз білім беру жүйесін дамыту, әлемдік цифрлық кітапханалар мен платформаларға қолжетімділік, тағы басқа жайттар қамтылды.

Кездесуден кейін жеке қабылдау ұйымдастырылды. Вице-министр ғылым мен жоғары білімге қатысты негізгі мәселелер бойынша өтініштер мен ұсыныстарды тыңдап, сұрақтарға жауап берді.

Қазіргі таңда Қорқыт ата атындағы Қызылорда университетінде ғылыми зерттеу жұмысынан түскен табыс 5 есе өсті. Оқу орнында 30 ғылыми жобаның 23-і Ғылым комитетінің гранттық қаржыландыруы аясында орындалуда. Университеттің 3 ғалымы мемлекеттік ғылыми стипендия иегері атанып, 3 ғалым Ұлттық ғылыми кеңестің құрамына кірді. Сондай-ақ «500 ғалым» жобасы аясында былтыр 13 оқытушы шетелде тағылымдамадан өтті. Биыл 6 оқытушы шетелде ғылыми тәжірибе алмасуда. Үш жылдан бері жас ғалымдардың ғылыми ізденістерін қолдау мақсатында жалпы сомасы 10 млн теңге болатын университеттің ішкі гранты бөлініп келеді. Ал биылдан бастап грант көлемі 20 миллионға көтерілді. Бұдан бөлек, әлемдік журналдарда жарияланымдары жарық көрген ғалымдар үшін материалдық қаржыландыру көздері қарастырылған.

Вице-министрдің Сыр өңіріне жұмыс сапары аясында Қорқыт ата атындағы Қызылорда университеті мен «Қазатом-өнеркәсіп» ҰАҚ» АҚ бірлескен ғылыми-техникалық хакатон өткізу жоспарланған. Басқосудың негізгі мақсаты – ғылым нәтижелерін өндіріске жақындату.

«СБ» ақпарат

## ЖЫЛУ БЕРУ МАУСЫМЫНА ДАЙЫНДЫҚ ҚАЛАЙ?

Бүгінде облыста алдағы жылу беру маусымына дайындық жұмыстары қызу жүруде. Кәсіпорындар мен әлеуметтік маңызы бар нысандардағы іс-шаралар бекітілген кестеге сай орындалуда.

Жылумен қамту нысандарын жаңғыртуға 12 млрд теңге қаржы бөлінді. Атап айтар болсақ, республикалық бюджеттен 8,3 млрд, облыстық бюджеттен 3 млрд теңге, ҚЖЭО кәсіпорнының өз қаржысы есебінен 566 млн теңге қаралды. Жылу-энергия көздерін жаңғыртуға 4,8 млрд теңге бөлінген. «Қызылорда жылу-электр орталығының» Оңтүс-

тік қазандығының «Бонэ энерджи» маркалы үш бу қазандығын жаңғыртуға бюджеттен 2,7 млрд теңге қаралды. «Азияэнерго-проектмонтаж» ЖШС қажетті құрал-жабдықтарға тапсырыс беріп, қазір құрылыс жұмыстары жүйелі жүргізілуде.

Мұнан бөлек, №3 газтурбиналық қондырғысы мен генераторын

күрделі жөндеуге облыстық бюджеттен 887 млн теңге қаржы бағытталып, Ресейдің Тамбов қаласында газтурбиналық қондырғы жөндеуден өтіп жатыр. Облыстық бюджеттен 695 млн теңгеге және кәсіпорын қаржысы есебінен 566 млн теңгеге №1 газтурбиналық қондырғының генераторын, 11 қазандықты, 1 турбина мен 15 қазандықты жөндеу 98 пайыз орындалды.

3-бет



Фото: Алина Леркекзиев

Валюта бағамы \$ 478,93 kzt € 534,96 kzt ₸ 5,16 kzt

Ауа райы +20° +25° +22° +27°



# ДАРИЯ ЖАҒАСЫНДАҒЫ ҚҰЙҚАЛЫ ҚОНЫС

## ТАРИХ – ӨТКЕН КҮНДЕР АЙНАСЫ

Әріге бойласақ, бұл ауылдың бұрынғы атауы «Александровск» болды. Сырдария өзенінің оң жағалауына орналасқан елді мекеннің өткеніне көз жүгіртсек, патшалық Ресей кезеңіне кетеді. Нақтырақ айтсақ, бұл жерге 1853-1854 жылдары ішкі Ресейден орыс шаруалары жер аударылып келген. Кейінірек жергілікті қазақтар орыстардың еңбекшестігіне риза болып, ауылды «Александровск» деп атап кеткен. Ал патша заманында отаршыл пиғылдағы саясаттың қалай жүргізілгенін, переселендердің қазақ жеріне, оның ішінде Сырдария аумағына келгенін көзіқарақты оқырман біледі.

Қазан революциясының жеңісінен кейін ол «№18» ауыл атанған. Кеңес дәуірі кезеңінде іргесі 1929 жылы қаланған «Комсомол» ұжым-шарына (қазіргі «Қызылжарма» ауылдық округі) қараған. Ал 1950 жылдары колхоздар ірілендірілген

«Ер есімі – ел есінде» тағзым алаңы демеушілер көмегімен салынды. 2006 жылы «Ернарар максұм» мешіті халық игілігіне пайдалануға берілді. Жас мамандарға арналған 4 тұрғын үй салынды. 150 орындық Мүгедектерді оңалту орталығы, 200 орындық балаларға арналған психоневрологиялық интернат үйі 2012 жылы пайдалануға берілсе, 2016 жылы «Талсуат» ауылдық округі аумағында №2 «Қызылорда арнаулы әлеуметтік қызметтер көрсету орталығы» коммуналдық мемлекеттік мекемесі ашылды. Осы әлеуметтік үш нысанда 850 адам қызмет атқарса, оның 251-і – ауыл тұрғындары. 2016 жылы «Талсуат» ауылдық округінде 31,5 шақырым газ құбыры тартылып, елді мекен толықтай «көгілдір отынға» қосылды.

Жеке кәсіпкер А.Керейбаева монша және шаштараз құрылысын аяқтап, 2017 жылдың желтоқсан айында халық игілігіне пайдалануға берілді.



тағы 5 көшеге түнгі жарық жүргізу жоспарланып отыр. Бұл жобаның құны – 51 млн 980 мың теңге. Қаржы бөлінесе Ақмешіт, Астана, Алматы, Отырар және О.Сауытбаев көшелеріне түнгі жарық орнатылады. Сондай-ақ жоба-сметалық құжаттары әзірленген 4 көшеге тротуар жүргізу жұмысына тиісті басқармаға бюджеттік өтінім ұсынылып, қаржы бөлінуі күтілуде. Бұл жобаның құны – 53 млн 911 мың теңге.

## КӘСІП ТҮБІ – НӘСІП

Қуаныштысы, кейінгі жылдары аймақтың көптеген елді мекенінде шағын кәсіпкерлік дамып келеді. Сапарға шыққанда оған өзіміз куә болып жүрміз. Бүгінгі таңда ауылдық округ бойынша 180 шағын кәсіпкерлік нысан жұмыс істеп тұр. Оның 7-уі ЖШС, 5-уі шаруа қожалығы, біреуі АӨК, қалған 167-сі жеке кәсіпкер. Жыл басынан бері жаңадан 4 кәсіпкерлік нысан тіркелген.

«2021-2025 жылдарға арналған кәсіпкерлікті дамыту жөніндегі ұлттық жоба» шеңберінде



## ИНФРАҚҰРЫЛЫМ ИГІЛІГІ

Қай елді мекен болсын бірінші кезекте жол, түнгі жарық мәселесі өзекті екені белгілі. Биылғы жылы ауылдағы С.Нұрмағанбетов, Ақмешіт, Атырау және Құмкөл көшелеріне жаяу жүргіншілер жолы салынды. Ал түнгі жарық бағаналарын орнатуға биыл бюджеттен 4 млн 317 мың теңге қаражат бөлініп, жылдың екінші тоқсанында Сейхун және Ақтау көшелеріне жарық бағаналары орнатылған. Ауыл әкімінің айтуынша, қаржы толық игеріліпті. Бұған қоса, елді мекендегі көшелердің түнгі жарық бағаналарын (барлығы 214 бағана) күтіп-ұстау жұмыстарына 11 млн теңгенің үстінде қаражат қаралған. Абаттандыру жұмыстарын жалғастыру мақсатында «Талсуат» ауылдағы балалардың ойын алаңына 2 млн 881 мың теңге бөлініп, жөндеу жұмыстары жүргізілген.

Айта кетейік, былтыр тұрғындардың сұранысына сәйкес ауылдық



кезде «Колос» және «Комсомол» колхоздары қосылып, «Талсуат» ауылы осы колхоздың бөлімшесі болған. Сол кезеңде ауыл Теренөзек ауданына қарады. Ал 1950 жылдары колхоздар ірілендірілген кезде «Колос» және «Комсомол» колхоздарын қосып, «Талсуат» осы колхоздың бөлімшесі болып қалған.

1967 жылы «Александровскіде» геологтар мекемесі құрылып, жеке тұрғын үйлер салына бастайды. Мекеменің өз алдына балабақшасы, дүкені, асханасы, клубы, орталық жылу мен таза ауызсу жүйелері жасалып, жас мамандар тұрақтаған. Олардың басым бөлігі өзге ұлт өкілдерінен еді.

Халық депутаттары Қызылорда облыстық кеңесі төрағасының 1992 жылдың 4 мамырындағы № 27 қаулысымен «Қызылжарма» ауылдық кеңесінің «Комсомол», «Геологтар» және «Александровск» ауылдары Қызылорда қаласының әкімшілік-аумақтық бағыныштылығына беріледі. «Талсуат» 2005 жылға дейін «Қызылжарма» ауылдық округі құрамында болды. Қызылорда қаласы әкімдігі мен қалалық мәслихаттың 2004 жылғы 30 қарашадағы бірлескен шешімі негізінде жаңадан 2005 жылдың 5 қаңтарында «Талсуат» ауылдық округі болып құрылды. Сол жылы мұндағы тұрғындар саны 972 адамды құрады.

«Талсуат» ауылдық округі «Талсуат», «Геолог» ауылы және «№11 бекет» болып бөлінеді. Соңғы жиырма жылдан бері ауыл өсіп-өркендеді. Таратып айтсақ, 2007 жылы ауылдағы №178 жаңа мектеп, 2009 жылы жаңа ауылдық дәрігерлік амбулатория, 2014 жылы 90 орындық балабақша пайдалануға берілді. Балаларға арналған 2 ойын алаңы салынды. 5,5 шақырым болатын типтік жобадағы ауызсу құбыры тартылды. 2010 жылы Жеңістің 65 жылдық құрметіне орай



округтегі 8 көшеге асфальт төсеу жұмыстары жүргізіліп, 2 көшеге жарық бағанасы орнатылды. Сондай-ақ 13 көше электр желісімен жабдықталыпты. Алдағы уақытта

атқарылған жұмыстардың нәтижесінде «Микробизнес-Қызылорда» несие ұйымы арқылы 1 кәсіпкер «Іскер» бағдарламасымен 5 млн теңге, «Ауыл шаруашылығын қаржылай қолдау қоры» арқылы 1 кәсіпкер 4,8 млн теңге несие алып, есепті мерзімде осы 2 азаматтың 9,8 млн теңге жобасы қолдау тапты.

Ал қайтарымсыз грант бойынша (көлемі 400 АЕК) 2 жоба қолдау алды. Жоба құны 2 млн 953 мың 600 теңге (МІҚ мал басын көбейту, қондырғы өнімдерін шығару). Мемлекеттік бағдарлама игілігінен бұл ауылдың тұрғындары да шет қалып отырған жоқ деген сөз. «Кәсіпкерлік саласын дамыту тұрақты назарда» дейді ауыл әкімі. Мәселен, былтыр ауылдың 4 тұрғыны грант иегері атанып, түрлі мемлекеттік бағдарламалар аясында 13 жоба қаржыландырыпты. Бұл жобалардың ішінде клиника, жылыжай құрылысын жүргізу, мал



1-бет

# ЖЫЛУ БЕРУ МАУСЫМЫНА ДАЙЫНДЫҚ ҚАЛАЙ?

Аймақтағы жылу желілерінің ұзындығы 216,7 шақырым, тозу деңгейі 44,6 пайыз. Бюджеттен 6 жобаны іске асыруға 6,9 млрд теңге берілді, 9,5 шақырым жылу желісінің 8,8 шақырымына жаңғырту жұмыстары жүргізіліп, 93 пайызы бітті. Нәтижесінде жылу желілерінің тозу деңгейі 41,8 пайызға дейін төмендеді.

Енді әлеуметтік нысандардың дайындығына тоқталар болсақ, облыстағы 1067 әлеуметтік нысанның 532-сі білім беру, 247-сі денсаулық сақтау, 288-і мәдениет пен спорт саласына тиесілі. Олар қыс мезгіліне сақалдай сай.

Дәл осындай ауқымды жұмыстар аудандарда да қарқынды жүргізілуде. Мәселен, Қазылы аудан тұрғындарына қажетті қатты отынның мөлшері белгіленіп, жеткізу жағы шешімін тапқан. Осы орайда аудан әкімі Мейрамбек Шермағанбет көмір тасымалдаушы кәсіпкерлермен кездесті. Жылу беру маусымында ауданға 19 мың тонна көмір қажет деп жоспарланған. Басқа облыстардан



тасымалданатын болғандықтан, бағасына әсер ететіні белгілі. Осы ретте қатты отын тапшылығын болдырмау үшін тасымалдаушылармен бірлесіп жұмыс жасалуда.

Облысқа қажетті көмір қоры 192,8 мың тонна. Оның ішінде тұрғындарға 164,5 мың әлеуметтік нысандар үшін 28,3 мың тонна қажет. Бүгінге дейін 18,6 мың тонна көмір жеткізілді. Көмір қоймаларында 27 мың тонна қор бар, 26 өңірлік оператор жұмыс істейді. Оның 9-ы – ЖШС, 17-сі – жеке кәсіпкер.

Көмір тамыз айында жеткізіліп бастаған. «Шұбаркөл», «Қаражыра», «Екібастұз» түрлерінің тоннасы 17000-23000 теңгеге бағалануда. Қыстың қамын жаз ойлаған тұрғындар ерте бастан түсіруге қамданған, кезек жоқ. Бастысы, сапасына көңіл толады.

Көмірдің бағасы және қоймалардағы нақты қоры, олардың мекен-жайы мен байланыс нөмірлері жөнінде көпшілікті ақпараттандыру тұрақты түрде жүргізілуде.

Жылу беру маусымының тұрақты өтуі облыс әкімінің тікелей бақылауында. Жылу орталығы мен әлеуметтік нысандардың дайындығы, тұрғындарды көмірмен қамтамасыз ету мәселелері ұдайы талқыланып келеді. Қала, аудан әкімдері мен сала басшыларына жылу беру маусымына дайындықты сапалы жүргізу, мерзімінде аяқтау, көмір тапшылығын болдырмауда өңірлік операторлармен тиісті жұмыс атқару тапсырылды.

Сара АДАЙБАЕВА,  
«Сыр бойы»

1-бет

## «ЖАСӨСПІРІМ» ІС-ШАРАСЫ

Қыркүйектің 17-сі мен 19-ы аралығында облыс аумағында көмелетке толмағандар және оларға қарсы жасалатын қылмыс пен құқықбұзушылықты анықтау, алдын алу, сондай-ақ балалардың қадағалаусыз қалу жайттарының алдын алу, көмелетке толмағандар және қолайсыз отбасылармен профилактикалық жұмыстар жүргізу, құқықтық сауаттылығын арттыру бағытындағы «Жасөспірім» республикалық жедел-профилактикалық іс-шарасы өткізілді.

Іс-шара барысында мектеп оқушылары мен оқу орындары жастары арасында профилактикалық жұмыстар жүргізіліп, құқықбұзушылық жасауға бейім жасөспірімдерді, көмелетке толмағандар және оларға қарсы жасалатын қылмыс пен құқықбұзушылықтардың алдын алу, сондай-ақ құқықтық сауаттылығын арттыру жұмыстары жан-жақты жүргізілді.

А.ПРЕЖЕКЕНОВ,  
Қызылорда КНБ ЖПҚБ ЮПБ бастығы,  
полиция капитаны

Дәуіржан АЙБОЛАТУЛЫ,  
Суреттерді түсірген  
Нұрболат НҮРЖАУБАЙ





